

# ՀԱՅԱՍՏԱՆԻ ՊԵՏԱԿԱՆ ԱԳՐԱՐԱՅԻՆ ՀԱՄԱԼՍԱՐԱՆԻ ՖԱԿՈՒԼՏԵՏԻ

## Կ Ա Ն Ո Ն Ա Կ Ա Ր Գ

### I. ԸՆԴՀԱՆՈՒՐ ԴՐՈՒՅԹՆԵՐ

1. Ֆակուլտետը ինքնուրույն կառուցվածքային ստորաբաժանում է, որը իրականացնում է ուսումնական, մանկավարժական, գիտական, ուսումնաօժանդակ և ինժեներատեխնիկական աշխատանքներ և նպաստում դրանց կատարելագործմանը:

2. Ֆակուլտետը ստեղծվում, վերակառուցվում և լուծարվում է համալսարանի խորհրդի որոշմամբ և կանոնադրությամբ:

3. Ֆակուլտետը ձևավորվում է ըստ մասնագիտական գործունեության բնույթի, 200 և ավելի ուսաողների առկայության դեպքում:

4. Ֆակուլտետը գործում է ՀՊԱՀ-ի կանոնադրությունով, համապատասխան նախարարությունների, գերատեսչությունների նորմատիվային փաստաթղթերով և սույն կանոնակարգով:

### II. ՖԱԿՈՒԼՏԵՏԻ ԿԱՌՈՒՅՎԱԾՔԸ ԵՎ ԳՈՐԾՈՒՆԵՈՒԹՅՈՒՆԸ

5. Ֆակուլտետը կազմված է ամբիոններից, լաբորատորիաներից, ուսումնական, գիտական և այլ օղակներից:

Ֆակուլտետի ղեկանատի հաստիքային կազմի մեջ մտնում են ղեկանը, տեղակալները, օպերատորը, գործավարները:

6. Ֆակուլտետի կառավարման մարմիններն են ֆակուլտետի գիտական խորհուրդը, ղեկանատի խորհուրդը և ղեկանը:

7. Ֆակուլտետի գիտական խորհուրդը քննարկում է ֆակուլտետի կանոնակարգը և այն ներկայացնում համալսարանի խորհրդի հաստատմանը:

Քննարկում է ֆակուլտետի ղեկանի թափուր պաշտոնը զբաղեցնելու առաջադրված թեկնածուների (գիտ. դոկտ., պրոֆեսոր կամ գիտ. թեկնածու, դոցենտ) հարցը և սահմանված կարգով ներկայացնում է ՀՊԱՀ մրցութային հանձնաժողովն և համալսարանի գիտական խորհրդին:

Լսում է ղեկանի հաշվետվությունը:

Ֆակուլտետի գիտական խորհրդի կազմը, նրա ձևավորման և գործունեության կարգը սահմանվում է ֆակուլտետի կանոնակարգով:

Ֆակուլտետի գիտական խորհրդում ընդգրկվում են ֆակուլտետի ղեկանը (գիտխորհրդի նախագահ) ղեկանի տեղակալը, գիտխորհրդի քարտուղարը, ֆակուլտետի ամբիոնների վարիչները, երկարամյա աշխատանքային փորձ ունեցող պրոֆեսորներ, ուսխորհրդի նախագահը, արհմիութենական կազմակերպության ներկայացուցիչը: Գիտխորհրդի կազմի 25%-ը համալրվում են ֆակուլտետի ուսանողներից:

8. Ֆակուլտետի գիտական խորհուրդը.

ա) ռեկտորին է ներկայացնում առաջարկություններ ֆակուլտետի կառուցվածքում ամբիոններ (լաբորատորիաներ, բաժիններ) և այլ կառուցվածքային ստորաբաժանումներ ստեղծելու, վերակազմավորելու, լուծարելու վերաբերյալ.

բ) լուծում է ֆակուլտետի ուսումնական, գիտական աշխատանքների և այլ գործունեությանը վերաբերվող հարցեր.

գ) ռեկտորին է ներկայացնում ֆակուլտետի ուսումնական պլանները՝ համալսարանի գիտական խորհրդում հաստատելու համար.

դ) ընտրում է համալսարանի գիտական խորհրդում ընդգրկվող ֆակուլտետի ներկայացուցիչներին;

ե) լուծում է սույն կանոնակարգից բխող՝ ֆակուլտետի ուսումնամեթոդական և գիտահետազոտական գործունեության հետ կապված այլ հարցեր.

9. Ֆակուլտետի գիտական խորհրդի նիստը հրավիրվում է ամիսը մեկ անգամ և համարվում է իրավագործ՝ նրա անդամների 2/3-ի ներկայության դեպքում: Որոշումներն ընդունվում են ֆակուլտետի գիտական խորհրդի նիստին ներկա անդամների ձայների պարզ մեծամասնությամբ: Ֆակուլտետի խորհրդի որոշումները պարտադիր են ֆակուլտետի ղեկավարության, աշխատողների, ուսանողների, մագիստրանտների, ասպիրանտների, դոկտորանտների համար:

Գիտական խորհուրդը կարող է հրավիրել արտահերթ նիստեր ըստ անհրաժեշտության:

10. Դեկանատի խորհուրդը.

ղեկանի ղեկավարությամբ գործող մարմին է, որը ֆակուլտետի գիտական խորհրդի նիստերի միջև ընկած ժամանակաշրջանում քննարկում և լուծում է ֆակուլտետի գործունեության ընթացիկ հարցերը:

Դեկանատի խորհրդի կազմի մեջ մտնում են ղեկանը, տեղակալը (ները), ամբիոնների վարիչներ, ֆակուլտետի ուսանողական խորհրդի նախագահը, ֆակուլտետի արհմիութենական կազմակերպության ներկայացուցիչը:

Դեկանատի խորհրդի կազմը ղեկանի ներկայացմամբ հաստատվում է ռեկտորի հրամանով:

11. Ֆակուլտետի ղեկանը

Հանդիսանում է ֆակուլտետի գործունեության կազմակերպողն ու ղեկավարը ելնելով համալսարանի կանոնադրությունից, Հայաստանի հանրապետության կրթության և գիտության նախարարության կողմից հաստատված կանոնակարգերի ու սույն կանոնակարգով:

12. Ֆակուլտետի ղեկանն ընտրվում է սահմանված կարգով համալսարանի գիտական խորհրդում՝ փակ գաղտնի քվեարկությամբ 5 տարի ժամկետով: Ընտրության արդյունքների հիման վրա ղեկանին պաշտոնի է նշանակում ռեկտորը.

#### Դեկանը

- Դեկավարում է ֆակուլտետի կրթական բարեփոխումների, գիտական, արտադրական, միջազգային և այլ գործունեությունը:

- Ապահովում է ֆակուլտետի գիտական խորհրդի որոշումների կատարումը:

- Ռեկտորի հաստատման է ներկայացնում ղեկանի տեղակալի (ների), ֆակուլտետի գիտխորհրդի քարտուղարի թեկնածությունները:

- Վերահսկում է դասացուցակի կազմմանը և հսկում նրա իրականացմանը:

- Կազմում է ընթացիկ և ամփոփիչ քննությունների ժամանակացույցերը և հետևում դրանց կատարմանը:

- Սահմանված կարգով կազմում է ուսանողներին կրթաթոշակ (այդ թվում նաև անվանական) նշանակելու, շրջափոխմանը, կուրսից կուրս փոխադրելու, ինչպես նաև ավարտական կուրսերի ուսանողներին պետական քննություններին մասնակցելու հրամանները և ներկայացնում ռեկտորի հաստատմանը:

- Առաջարկություններ է ներկայացնում վճարովի համակարգում սովորող ուսանողների ուսուցման վարձի գեղչի վերաբերյալ:

- Ֆակուլտետի գործունեության մասին ներկայացնում է տարեկան հաշվետվություն:

- Հանդիսանում է ակադեմիայի խորհրդի, գիտական խորհրդի ռեկտորատի անդամ:

13. Ֆակուլտետում 300 և ավելի ուսանողների առկայության դեպքում աշխատանքներին օժանդակելու նպատակով սահմանված է ղեկանի տեղակալի մեկ հաստիք, 500-ից ավելի ուսանողների դեպքում՝ տեղակալի երկու հաստիք: Դեկանի տեղակալը ֆակուլտետի գիտական խորհրդի անդամ է և կարող է ընդգրկվել պետական քննական հանձնաժողովի կազմում: Դեկանի տեղակալին (գիտ. թեկնածու, դոցենտ) պաշտոնի է նշանակում և պաշտոնից ազատում է համալսարանի ռեկտորը, պրոռեկտորի և ղեկանի ներկայացմամբ: